

# Nukissiorfiit

Imerk tamanik pilersuinermi  
nalinginnaasumik piumasaqaatit

## Aallarniut

Nukissiorfiit imermik pilersuinermi nalinginnaasumik piumasaqaatit, takussutissat ilanngullugit, Nukissiorfiit makkulu akornanni inatsisitigut tunngavissatut uppernarsaataapput pingaaruteqartut

- Illunik aamma inissianik nammineq pigisanik pigisallit (piginnittoq) kiassarnermik pilersuinermit attavilersimasut
- Kiassarnermik pilersuinermit atuisut (atuisoq) aamma
- VVS-ilerisut suliarinnittartut (VVS-mesterit)

Oqaasertalersornerani sullitaq ataatsimoortumik taaguuserneqarpoq piginnittoq aamma atuisoq, siunertaqartutut isumaqarfigineqarpat. Sullitaq tassaavoq inatsisitigut inuk, Nukissiorfiit akiliisarnissamut uuttuutaanut ataatsimut arlalinnulluunniit nalunaarsimasoq nalunaarsorsimasorlu.

Piginnittup, atuisuo aamma VVS-mesterip Nukissiorfiit pilersuinermi nalinginnaasumik piumasaqaataasa imarisaat sammisaqarfimminnut tunngasut ilisimasariaqarpat.

Piginnittut, atuisut aamma VVS-mesterit kiisalu Nukissiorfiit qaqugukkulluunniit inatsisit, peqqussutit, nalunaarutit innersuussutit il.il. atuuttut eqqutsinnissaannut pisussaapput. Taakkunannga makku immikkut erseqqissaatigineqarput:

**Nunaqarfiit innaallagissamik imermillu pilersorneqarnerisa Namminersornerullutik Oqartussanit tiguneqarnerat pillugu Inatsisartut inatsisaat nr. 13 ulloq 6. november 1997-imeersoq.**

**Namminersornerullutik Oqartussat aamma Kalaallit Nunaanni Kommuneqarfiit Kattuffiat, kommunit nunaqarfiini innaallagissamik imermillu pilersuinerup Namminersornerullutik Oqartussat/Nukissiorfiit isumagilerneranni Isumaqatigiissutissatut Tunngavigisaq 1. januar 1998-imeersoq.**

**Imermik pilersuineq pillugu Inatsisartut peqqussutaat nr. 10, 19. november 2007-imeersoq**

**Erngup imigassap pitsaassusia kiisalu imermik pilersuinermi atortut misissortarnissaat nakkutigisarnissaallu pillugu Namminersorlutik Oqartussat nalunaarutaat nr. 7, 17. marts 2008-meersoq**

## Imarisai

Nukissiorfiit tuniniaanermi pilersuinermilu piumasaqaataat immikkoortunut makkununnga agguarneqarput:

1. Nassuiaatit
2. Aallarniutaasumik aalajangersakkat
3. Imerk pilersuinerup atatitsiinnarnera
4. Ikkuffiit
5. Imermut atortorissaarutit
6. Akiliisarnissamut uuttuutit
7. Imertaatit atorlugit imermik pajunneqartarneq
8. Maalaaruteqarsinnaaneq

## **1. Nassuiaatit**

### **Attavilerfik**

1.1

Tassaavoq Nukissiorfiit imermut aqqutaa pingarneq, sullitallu attavilerfianut ikkusimaffia.

### **Ikkuffik**

1.2

Imermut aqqut imermut aqqummi pingarnermi ikkuffianit imermik illup akiliinissamut uuttuutaanut ingerlatitsisoq. Ikkuffimmut ilaapput ikkussuiffiit, imermut atortorissaarutinut ikkussuiffiit imalunniit imermut aqqummut pingarnermut siammarterissutit, ikkuffiit ventiilii paarlakaajaaffissanut uiguneqarsinnaasut aamma ventiilip ikkuffii, imaarsaanermut ventiili aamma ikkuffiup ventiilianit imermik uuttuutip tungaanut erngup aqqutaa, kiisalu imermut aqqummi pingarnermi innaallagiatortumik qerinaveeqqut imermik uuttuutip tungaanut aqutsiffilik innaallagissamullu nakkutilliiffik.

### **Ergup aqqutaa pingarneq**

1.3

Ergup aqqutaa pingarneq tassaavoq aqqut imermik suliarineqareersimasumik imeqarfimmit ikkuffimmut, imertartarfimmut aamma qatserinermi maqitsiffimmut ingerlasoq.

## **2. Aallarniutaasumik aalajangersakkat**

### **VVS-mester**

2.1

Ikkuffinni imermullu atortorissaarutini suliaqat suliassat suulluunniit VVS-mesterimit suliarineqassapput.

### **VVS-mesterimut piumasaqaatit**

2.2

Nukissiorfiit VVS-mesterimut makkuninnga piumasaqaateqarpoq:

- Assassornermi suliaqarfimmi suliaqarfinnut attuumassuteqartunut misilitsinnermi angusisimanermut atatillugu inuussutissarsiorsinnaanermut akuersissut "mester"-imik ilisarnaaserneqarsimasoq
- Kalaallit Nunaanni aalajangersimasumik suliffeqarfiuteqarneq oqarasuaammik, sakkunik saffiorfimillu peqartoq.
- VVS-mesteri imminut akisussaajaagasimassanngilaq akiliisinnaajunnaarsimassananiluunniit.

### **Suliaqarfitsigut amigaateqarneq**

2.3

VVS-mesteri ikkuffinnik imermullu atortunik suliaqartilluni sakkortuumik arlaleriartumilluunniit sumiginnaappat, Nukissiorfiit VVS-mesteri taama suliaqarnissaanik itigartissinnaavaa.

### 3. Imerk pilersuinerup atatiinnarnera

#### Pitsaassuseq

3.1

Imeq imigassatut atorneqartussaq tappiorannartunik uumassusilinnik stoffinillu annertussutsikkut imaluunniit katersuuttunik peqqissutsimut aarlerinaateqarsinnaasunik akoqassanngilaq. Pitsaassusissamut piumasaqaatit atuuttut pillugit imeq imigassaq pillugu nalunaarut innersuussutigineqarpoq.

Imerk pilersuinermi aserortoorneqarpat pilersuinerup piaarnerpaamik ingerlaqqinnissaa Nukissiorfiit isumaginiassavaa.

Imerk pilersuinermi Nukissiorfiit taamaallaat attavilerfiup tungaanut akisussaaffigaa. Ajoqutit amigaatillu attavilerfiup kingornani ikkuffinniittut atortuniittullu Nukissiorfiit akisussaaffiginngilai.

#### Erngup naqitsinera

3.2

Illut ataasiakkaat eqqaanni pilersuinermi aqqutini naqitsinerup sakkukinnerpaaffimiitissallugu Nukissiorfiit pisussaataangilaq.

#### Erngup naqitsineqarnera naammaginangitsoq

3.3

Illumi erngup naqitsinera naammaginangippat, tamatumunngalu illu taassumaluunniit inissisimanagera peqqutaappat, illup imermik atortulersuutaannut atatillugu naqitsinermik sakkortusaassummik ikkussuisoqarnissaanik Nukissiorfiit piumasaqarsinnaavoq.

Naqitsinermik sakkortusaassut piginnittup aaqqiineratigut aningaasartuutissaatullu ikkussuunneqassaaq. Atortorissaarutip akueringaqqaarinnissaa Nukissiorfiit piumasarisinnaavaa.

#### Pilersuinermi aqqutini suliaqartarnej

3.4

Pilersuinermi aqqutini imaluunniit imeqarfimmi pilersaarutaareersutut suliaqarnissaq sioqqullugu, kiassarnermi pilersuinerup qaminnissaa pilersaarutaareersoq pillugu Nukissiorfiit atuisunut kalluarneqartunut nalunaarutigissavaa.

#### Pilersuinermi unittoornerit

3.5

Nukissiorfiit atortorissaarutaanni, assersuutigalugu ajoquteqarnerit ajutoornerillu kingunerisaannik qamittoorneqarpat piaarnerpaamik iluarsineqassapput, pilersuinermini qamittoornermi kingunerisassat Nukissiorfiit akisussaaffiginngilai.

Atuisup kialuunniit makku peqqutigalugit pilersuinermini qamittoornikkut akornusersuutit pilersinnaasimasut, taarsiiffigineqarnissaminik piumasaqarsinnaanani, naammagisariaqarpai; aqqutini ajutoorneq, innaallagissamik qamittoorneq allatulluunniit pinngortitamit aallaaveqartut, imaluunniit aqqutit matunerisa, iluarsaassinerit aqqutinillu saliinerit il.il. kingunerisaannik pilersimasinnaasut.

**Atuinermi killilersuutit**

3.6

Nukissiorfiit tamatumunnga taarsiissuteqarnissamik piumasaqarfigineqarsinnaanani imermik atuineq killilersussallugu aalajangiisinnaavoq, imaluunniit taassuma ilaanik, imeqarfiup ingerlanneqarnerani imaluunniit imermik isumalluutit eqqarsaatigalugit pisariaqartutut Nukissiorfiit isumaqarfiguniuk.

**Qatserinermi maqitsissutit**

3.7

Ikuallattoqarnera allatullu ajutoornerit eqqaassanngikkaanni, sioqqutsilluni Nukissiorfimmit sioqqutsisumik akuersissummik peqqaarsimanani, qatserinermi maqitsissutini imeq atoqqusaanngilaq. Qatserinermi maqitsissutit aqqummi pingaarnermiittut, tamakkununnga ilaallutik skaaviit qatserissutinut attavilerfiit, qatserinermilu maqitsissutit nalunaaqutsersorneri, Nukissiorfinnit isumagineqarput aserfallatsaalineqarlutillu. Qatserinermi maqitsissutini aputaajaaneq sermiiianerlu kommunimit isumagineqarput.

**Aasaanerani imeq**

3.8

Aasaanerani imermut aqqutit ikkussuunneri, annertussusii siammarsimanerilu kiisalu atorunnaarsitsineq Nukissiorfiit kisimiilluni aalajangiiffigisarpai.

**Imertartarfiit**

3.9

Tamat imertartarfiini imertarnermi imermik maangaannartitsineq allatulluunniit imertartarfimmik eqqaaniittunilluunniit mingutsitsinerit suulluunniit inerteqqutaapput. Imertarnermi imertaatit atorineqassapput. Slanginik ruujorinilluunniit attavillineq Nukissiorfimmit siumut akuerineqaaqqaarluni taamaallaat isumagineqarsinnaavoq, pisunilu ataasiakkaani kommunimik isumaqatigiissuteqaaqqaarluni. Tamat imertartarfiisa tungaannut ingerlasinnaaneq qularnaarniarlugu aputaajaaneq sermiiianerlu kommunimit isumagineqarput.

## 4. Attavilerfiit

<b>Attavilerfinnut akuersissutit</b>	4.1 Illuutit allavilerfimmik ikkussuiffigineqarsinnaapput Nukissiorfiit atortui aamma illoqarfimmi pilersaarutit ajornartinngippasuk, assersuutigalugu imeqarfiup naammassinnissinnaassusia eqqarsaatigalugu. Attavilerfiit sumut inissinneqassanersut Nukissiorfiit sulisuisa innersuussutigissavaat. Kommunimi aalajangersakkat innersuussutigineqarput.	
<b>Attavilerfiit immikkut ittut</b>	4.2 Illut tamarmik ataatsimit pigineqanngitsut, illumi inoqatigiinnut ataasikkaanut nalinginnaasumik attavilerfinnik immikkut ittunik peqartussaapput. Nalinginnaasuusarpoq illumut ataatsimut attavilerfiup ataasiinnaap akuerineqartarnera.	
<b>Attavilerfiit ataatsimoorussat</b>	4.3 Pisuni immikkut ittuni illunut marlunnut arlalinnulluunniit assigiinngitsunik pigineqartunut, piginnittut kissaatigisaat malillugu, immikkut ittunik nalinginnaanngitsumik attavilerfik ataatsimoorussaq aqqutigalugu isumagineqarsinnaavoq. Illuutitut marlunnut arlalinnulluunniit pilersuilernissaq Nukissiorfiit itigartitsissutigisinnaavaat.	
<b>Ataatsimoorussamik attavilerfinnut inatsisitigut attuumassutit</b>	4.4 Attavilerfimmik ataatsimoorussamik pigisaqarnermut piumasaqaatit atuisut akornanni allaganngorlugu isumaqatigiissuteqarfigineqassaaq. Isumaqatigiissut Nukissiorfimmit akuerineqassaaq. Ataatsimoorussamik attaveqarnermi piginnittut qerinaveeqqummi innaallagiatortumik innaallagissamik atuinnermut nammaqatigiillutik akiliinissamut akisussaapput.	4.5 Aqqummut pingarnermut attavilerfimmik ikkussuinnermut attavilernermullu aningaasartuutit tamaasa piginnittup akilertussaavai, tamakkununnga ilaallutik attavilerfiup teknikkikkut uppernarsaasersuinnermi suliarinnineq.
<b>Qinnuteqarneq</b>	4.6 Attavilerfimmik ikkussuinissamut, allatut ingerlaffilernissaanut imaluunniit allannortitsinissamut qinnuteqaat sumiiffimmi Nukissiorfimmut nassiunneqassaaq.  Qinnuteqaat Nukissiorfiit immersugassaatigut nassiunneqassaaq, tamanna Nukissiorfiit nittartagaani pissarsiarineqarsinnaavoq imaluunniit sumiiffimmi Nukissiorfimmut saaffiginnnikkut pissarsiarineqarsinnaalluni.	
<b>Attavilerfinni suliaqarnernut</b>	4.7 Attavilerfinni suliassat suulluunniit VVS-mesterimit	



<b>piumasaqaatit</b>	suliarineqassapput, sammisamilu malittarisassat atuuttut malillugit isumagineqassalluni, tamakkununga ilaallutik Nukissiorfiit innersuussutai.
<b>Attavilerfiit naammassinerannik nalunaarutiginninneq</b>	4.8 Naqitsinermik misiliineq Nukissiorfiit malinnaaffigissallugu periarfissinneqassaaq, kiassarnermi kabelit ikkussuussimasut misissornissaannut, attavilerfiit matuneqannginnerini, kiisalu attavilerfinnik suliap naammassinera pillugu nalunaarutiginninnissaq sioqqullugu.
<b>Attavilerfinnik aserfallatsaaliineq</b>	4.9 Attavilerfiit isumannaatsumik aserfallatsaaliineqarnissaat piginnittup akisussaaffigaa, attavilerfinnilu amigaatit sulluunniit piaarnerpaamik iluarsiniassallugit.
<b>Attavilerfinnik aserfallatsaaliinnginneq</b>	4.10 Attavilerfiit isumannaatsumik aserfallatsaaliineqarsimanngitsut Nukissiorfiit isumaqarfiguniuk, imaluunniit illup kuuffiini tunngasut pilersuinermi aqqutitut imaluunniit erngup pitsaassusissaanut ajoqusiinnaasutut aarlarinartuusutut isumaqarfigunigit, piginnittup akiligasaanik attavilerfiit Nukissiorfiit qamissinnaavai.  Tamatuma pinnginnerani piginnittoq Nukissiorfiit nalunaarfiginiassavaa.
<b>Illut atorneqanngitsut</b>	4.11 Nukissiorfiit illumut atorneqanngitsumut attavilerfik erngup aqquaatigut piginnittup akiligasaanik milissinnaavaa, Nukissiorfiit pilersuinermi aqquataanut allanut navianartorsiortitsippat.  Tamatuma pinnginnerani piginnittoq Nukissiorfiit nalunaarfiginiassavaa.
<b>Attavilerfiup ventiilnik suliarinninneq</b>	4.12 Attavilerfimmi ventiili taamaallaat Nukissiorfinnit suliarineqassaaq imaluunniit Nukissiorfimmik isumaqatigiissuteqaqqaarluni VVS-mesterimit.
<b>Attavilerfimmik matusineq</b>	4.13 Attavilerfik matuneqarpat, attavilerfillu imermik imaarneqarsinnaanngppat, taamallu erngup aqquataanut pingaarnermut imaluunniit erngup pitsaassusianut aarlerinartorsiortitsippat, attavilerfiup kipineqarnissaanut Nukissiorfiit pisinnaatitaavoq.  Attavilerfimmik attavileeeqqinneq piginnittup aningaasartuutigissavaa.
<b>Attavilerfimmik allanngortitsineq</b>	4.14 Nukissiorfiit nammineq akilikkaminik attavilerfimmik allanngortitsisinnaavoq. Attavilerfimmik piginnittoq imaluunniit atuisoq tamatuma kingunerisaanik ingerlatsinermut

aningaasartuutit amerleriaatai nammineq akilissavai.

**Attavilerfimmi  
ikkussinissamut  
piumasaqaatit**

4.15

"Kalaallit Nunaanni ukioq kaajallallugu imeqarnermut aqqutit pillugit pilersaarusiornermut Innersuussutit" malillugit attavilerfiit suliarineqassapput. Iltersuut taanna Nukissiorfiit nittartagaani pissarsiarineqarsinnaavoq.

**Ikkussinermut  
piffissaliussat**

4.16

Attavilerfiit taamaallaat erngup aqqutaanut pingaarnermut attavilerneqarsinnaapput piffissami 1. maj-imit 1. oktobarimut. Pisuni immikkut ittuni allakkatigut qiinnuteqareernikkut sumiiffimmi Nukissiorfiit immikkoortortaani immikkut akuersissummik tunniussisoqarsinnaavoq. Attavilerfiup pilersaarutitut titartagartaa, attavilerfiullu ventiiliata inissiffissaa pillugit sumiiffimmi Nukissiorfinnut tunniunneqassapput.

## 5. Imermut atortorissaarutit

### Allanngortitsinissami akuerineqarnissamut piumasaqaatit

5.1  
Imermut atortorissaarutit pioreersut allanngortinnissaat imaluunniit annertusarnissaat, imermik atuinermut imaluunniit erngup pitsaassusianut pingaaruteqartut, pillugu suliaqarnissat suulluunniit aallartinginnerini akuersissummik pissarseqqaartariaqarpoq.

### Akuerineqarnissamut qinnuteqaat

5.2  
Akuerineqarnissamut qinnuteqaat immersugassaq atorlugu Nukissiorfinnut nassiunneqassaaq. Qinnuteqarnissamut immersugassaq Nukissiorfiit nittartagaani pissarsiarineqarsinnaavoq imaluunniit najukkami Nukissiorfinnut saaffiginninnikkut pissarsiarineqarsinnaalluni.

### Atortunut piumasaqaatit

5.3  
Imermut atortut ima pisoqannginnissaa qulakkeerniarlugu suliarineqassapput, atorneqassapput aserfallatsaaliorneqassappullu:

- Erngup aqqutaani pingaarnermi ajoqutaasumik naqitsineqarlernissaa imaluunniit naqitsinerit allanngorarnissaat
- Imermik mingutsitsinissamut aarlerinaateqarneq
- Erngarfinnik nassaartoqarnissaa

allatulluunniit Nukissiorfiit atortuinik allanik ajoqusersuutaasinnaasut.

Atortut, sukuluiaatit kiisalu errortorfiit assigisaallu il.il. erngup aqqutaanut pingaarnermut attavilerneqartut imertut imigassatut akuerineqartussaapput.

Illup atortui Nukissiorfinnit misissorneqarsimagaluarpataluunniit, atortut isumannaatsuunissaat piginnittup kisimi akisussaaffigai.

### Atortut atorneqanngitsut

5.4  
Imermut atortut atorneqanngitsut matoqqasimanissaat imermillu imaarneqarsimanissaat piginnittup pisussaaffigai, ilaatigut qerisoornermi ajoqusiinnginnissaaq eqqarsaatigalugu.

### Afbrydelse af installationer

5.5  
Illuni atorneqanngitsuni imermut atortut matuneqarnissaat Nukissiorfiit piumasarisinnaavaa.

Akiligassanik kinguaattoorneq peqqutigalugu Nukissiorfiit innaallagissamik imermilluunniit pilersuineq matusimappagu, mattunneqarnerup kinguinngua illup qerisoornissamut qularnaarnissaa illumik piginnittoq pisussaataavoq.

Najukkami piginnittoq illumi qerisoornissamut qularnaareqqullugu nalunaarfigineqarsimaguni, piginnittullu tamanna

isumagisimangippagu, piginnittoq kingusinnerusukkut qerisoorluni ajoqusiinerit malitsigisaat pillugit Nukissiorfinnit taarsiiffigineqarnissaminut piumasaqarsinnaanngilaq.

**Pisussaaffinnik  
eqquutsitsinngitsoorneq**

5.6

Pisussaaffiit immikkoortuni 5.1 – 5.3-mi nassuiarneqarsimasutut piginnittup pisussaaffini eqquutsissimangippagit, suliasat piginnittup akiligassaanik Nukissiorfiit suliaritissinnaavai, imaluunniit imermik pilersuineq attavilerfikkut qamissinnaavaa.

**Imermit ajoqusiinerit**

5.7

Illuni imermit ajoqusiisimasinnaanerit Nukissiorfiit akisussaaffiginngilai, tamakkununnga ilaallutik isumannaarinermi ventiilinit imaluunniit qerisoorluni ajoqusiisimerit peqqutigalugit ajoqusiinerit.

## 6. Akiliisarnissamut uuttuutit

### Uuttuutininik il.il. inissiinerit

6.1  
Akiliisarnissamut uuttuut inimik qerisoorfiusinnaangitsumi inissinneqassaaq. Inissinnera Nukissiorfimmit akuerineqassaaq. Akiliisarnissamut uuttuut atortunit peerneqarsinnaassaaq. Akiliisarnissamut uuttuut ajornaatsumik atuarneqarsinnaassaaq.

Akiliisarnissamut uuttuut ventiilit militsissutaasut marluk akornanni inissinneqassapput.

### Ventiilinut militsissutaasunut piumasaqaatit

6.2  
Ventiilit militsissutaasut imermut aqqutitut ikkunneqarsimasutut assingannik angissuseqassapput. Ventiilit militsissutaasut sakkortulersitsinermik imaluunniit arrortitsinermik peqquteqartitsissanngillat.

### Ventiilit imaartitsissutit ventiilillu utimoortitsisut

6.3  
Akiliisarnissamut ventiilip kingorna aamma ventiilip militsissutit sionatigut ventiili imaartitsissut aamma ventiili utertitsissut ikkunneqassapput.

### Illumut aatsimut uuttuutit amerlassusii

6.4  
Nalinginnaasumik inissiat tamarmik immikkut akiliisarnermut uuttuutininik ataasiinnarmik peqartussaapput.

### Ataasiakkaat akiliisarneq

6.5  
Illut arlalinnik inissiaqarfiusut inissianut ataasiakkaanut tamanut immikkut akiliisarnissamtu atortulerneqarsinnaapput, tunggaviit makku eqquutsinneqarsimappata:

- Inissiat ataasiakkaat imermik nillertumik atuinerat katillugu akiliisarnissamut uuttuummi ataatsimi uuttorneqarsinnaappat.
- Inissiat ataasiakkaat immikkoortumik erngup aqqutaanik pilerneqarsimassapput.

### Immikkut akiliisarnissamut qinnuteqaat

6.6  
Immikkut akiliisarnissamut qinnuteqaat, siusinnerusukkut illumut ataatsimut ataatsimoortumik akiligassiiffiusarsimasumi, Nukissiorfimmut nassinneqassaaq. Qinnuteqaat minnerpaamik makkuninnga imaqassaaq:

- Illup imermik atuisigut allanngortikkusutat suunersut pillugit paasissutissat.
- Atortut pillugit nassuiaatit, imermiut aqqutit pillugit titarakkanik ilanngussilluni, ilaallutik maqitsitsiviit sumi inissisimanersut.

- Inissiaqarfiit tamarmik immikkut imermik uuttuutilernissaannut nalunaaruteqarneq, atit najukkallu allallugit. Atuilernissamut taamaatitsinissamullu nalunaaruteqarnermut immersugassaq Nukissiorfiit nittartagaanit aaneqarsinnaavoq.

**Imermik  
maangaannartitsineq**

6.7  
Uttuutip saavani attavilerfimmit imermik maangaannartitsisoqarpat, imermik maangaannartitsinermut illumik piginnittoq akiliinissaanut peqquneqassaaq. Taamaassappat atuneq Nukissiorfimmit missingerneqassaaq.

**Innaallagissamik  
aqqusersuineq**

6.8  
Atuisup nutaap innaallagissap nettianut atassutilertinnera, uuttuutip ingerlaneranut pisariaqassappat, inissiap atassutilertinnera pisussaatinneqarpoq sullitap akilissagai innaallagissamik pilersorneqarnermut atassutilertinneq, kiisalu uuttuutimut atortoq innaallagissamik atuineranut.

## **7. Imertaatinik imermik pajuttuineq**

**Illoqarfinni  
nunaqarfinnilu imermik  
pajuttuineq**

7.1  
Illunut tamallu imertartarfinnut imertaatinik imermik pajuttuisarneq illoqarfinni nunaqarfinnilu taama aqqiiffigineqartuni taamaallaat atuuppoq.

Nukissiorfiit Namminersorlutik Oqartussanut akuerineqarnissamik qinnuteqaqqaarnikkut illoqarfinni nunaqarfinnilu imertaatinik imermik pajuttuineq taamaatissinnaavaa.

**Illunut nutaanut  
pajuttuineq**

7.2  
Illunut nutaanut imertartarfinnullu imertaammik imermik pajuttuineq taamaallaat pisinnaavoq, nunaminertani erngup aqqutaa pingaarneq aqqutigalugu tamanut pilersuiffiunngitsuni aamma sumiiffni aqqusinilorfiusimasuni taamaallaat pisarpoq.

Illut imertartarfiillu sumiiffinni tamanut erngup aqqutaanik pingaarnermik inississisimaffeqartut imertaatinik imermik pajunneqarnissartik naatsorsuutigisinnaanngilaat.

**Ornigussinnaaffiit**

7.3  
Imermut slangit atorlugit ornigussinnaaffiit, siaartitsiviusinnaaffiit attavilliiffiusinnaasullu Kalaallit Nunaanni sullivinni atukkat pillugit Inatsit malillugu isumannaallisaanikkut peqqissutsikkullu illersorneqarsinnaasumik pisinnaassapput.

Ornigussinnaaffiit imaattariaqarput imermik maqitsineq tamat aqqutaannit imermut slangi takinerpaamik 25 meterisoq atorlugu ajornaatsumik isumagineqarsinnaanngorlugu. Tummeqqat, nunap sivingassusia assigisaalluunniit peqqutigalugit isorartussuseq Nukissiorfinnit naalineqarsinnaavoq.

**Imertaammi atortunut  
piumasaqaatit**

7.4

Tankit imiisiviit atortuisa suliarineqarneri Nukissiorfiit innersuussutaat malillugit isumagineqassapput, atortullu imermut imigassamut akuerineqarsimassallutik. Takuuk ilanngussaq 1.

Imermut atortut atulinnginnerini Nukissiorfimmit akuerineqaqqaassapput. Imermut atortunut piumasaqaatit pingaernerit makku atuupput:

- Tankit imiisiviit kuuffittalerlugit inimi qerisinnaanngitsumi inissineqassapput.
- Tankit imiisiviit nalinginnaasumik qaleriissat allersaanni taamaallaat ikkussuunneqarsinnaapput.
- Tankit imiisiviit 1.000 liter inorlugu imartussusillit taamaallaat Nukissiorfinnit allakkatigut akuerineqaqqaarluni ikkussuunneqarsinnaapput.
- Aappaluttumik qulleqartussaavoq, tanki ulikkaaraangat ikittartussamik. Qulleq ima ikkunneqarsimassaaq, ukioq qanoq iligaluarpalluunniit, immersuiffimmiit ulloq unnuarlu kaajallallugit takuneqarsinnaassalluni.
- Ulikkaartoornermi aqqut nalunaarsuut pigisariaqarpoq ima angissuseqassalluni, pissutsit suulluunniit atuukkalarpata erngup annertusua imertaammit immiunneqartoq sapinngitsussaallugu, imallu inissineqassalluni, kuuffik immiiffimminngaanniit takuneqarsinnaassalluni.

**Aserfallatsaaliineq**

7.5

Atortunik aserfallatsaaliineq piginnittup/atuisup pisussaaffigaa, maangaannartitsisoqassagaluarpallu akisussaaffik Nukissiorfinnut tutsinneqarsinnaanani.

**Akisussaaffik**

7.6

Imertaatit atorlugit imermik pajuttuineq makkuninnga pisoqartillugu Nukissiorfiit akisussaaffiginngilaa:

- Imermut atortuni silaminngaanniit takuneqarsinnaanngitsuni ajoquteqarnermi imermit ajutoornerit,
- Kuuffiup qerisoorsimanerani imaluunniit milissimanerani ajoqutit imaluunniit imermit ajoqusiinerit
- Imeq imertaammit tunniunneqareertillugu erngup pitsaassusia.

Tankip imiisiviup aserfallatsaalionneqarnissaa immiinissap aarlerinangitsumik pisinnaanissaanut piginnittup/sullitap akisussaaffigaa.





## 8. Maalaaruteqarsinnaaneq

### Maalaaruteqarsinnaaneq 8.1


Sullitap Nukissiorfiit pilersuina il.il. naammaginngikkuniuk, tak. pilersuinermi piumasaqaatit makku, uunga maalaaruteqartoqarsinnaavoq:

Nukissiorfiit  
Sullitat maalaaruteqarfiat  
Postboks 1080  
3900 Nuuk

Aalajangiineq sullitap naammaginngikkuniuk, aalajangiineq uunga maalaarutigineqarsinnaavoq: Pisortaaneq, Nukissiorfiit, Postboks 1080, 3900 Nuuk.

Pisortaanerup pilersuinerit imaluunniit akiligassiissutit il.il. pillugit aalajangiineri uunga maalaarutigineqarsinnaapput; Ineqarnermut, Attaveqarnermut Angallanermullu Naalakkersuisoqarfik, Postboks 909, 3900 Nuuk, imalt. e-mailikkut: IAAN@nanoq.gl.

Ilanngussaq 1



**NB** Immiinermi uliikaarnerani ruujori qerisimatillugu imiisivimmik qaartoonissaq pingitsoortinniarlugu, uliikaarnermi ruujori innaallagiatortumik qerisoornissamat qularnaarneqassaaq (oqorsarlugulu), tassa nillungaatsiarsinnaanermi periarfissaqarfiini.

Atornerani qulleq nalunaarsuut ima inissineqassaaq, ukioq qanoq iligaluarpalluunniit imertaanik sulisunit takuneqarsinnaanngorlugu, taannalu imeqarfimmit akuerineqarsimassalluni.

Nukissiorfiit

Form nr. 3090

Fil: h:/users/tegnestuen/kirsten/diverse dwg/vandtank.dwg